

9 FORMACIÓN

Formación Ocupacional

REQUISITOS DO ALUMNADO: Persoas traballadoras desempregada inscrita como demandante no SPE de Galicia en situación laboral como non ocupada na data de inicio da acción formativa ou persoas en condición laboral de ocupadas que adquiran posteriormente a condición de persoas traballadoras desempregadas rexistradas no Servizo Público de Emprego de Galicia con situación laboral como non ocupada durante o período de desenvolvemento da acción formativa.

SOLICITUDE DE AXUDAS: nun prazo de 1 mes dende a incorporación ao curso ou dende a nova situación que dea dereito. Xefatura Territorial correspondente.

TIPOS AXUDAS:

Dirixida a:

- Alumnado en desemprego con discapacidade que acredite ter a consideración de persoas con discapacidade dacordo co disposto no artigo 4 do Real decreto legislativo 1/2013, de 29 de novembro, polo que se aproba o texto refundido da Lei xeral de dereitos das persoas con discapacidade e da súa inclusión social. .

- Membros integrantes dunha familia monoparental.
- Membros integrantes dunha familia numerosa.

Contía: 9 € por día de asistencia. Incompatible entre elas. Poderá cobrar só unha bolsa aínda que o/a alumno/a pertenza a varios colectivos.

Documentación acreditativa Bolsa de asistencia dirixida a persoas con discapacidade: Conservación durante 4 anos

- Certificado de empadramento conxunto de todas aquelas persoas que, para os efectos desta orde, compoñen a unidade familiar ou de convivencia.
- Documentación acreditativa de que a suma das rendas das persoas integrantes da unidade familiar ou de convivencia é inferior ao 75% do IPREM.
- Certificado acreditativo do grao de discapacidade emitido polo Imserso ou polo servizo autonómico correspondente. No suposto de que o recoñecemento da discapacidade estea acreditado pola Xunta de Galicia o certificado só deberá presentarse no caso de que a persoa interesada, conforme o disposto no artigo 18 da presente orde, se opoña á súa consulta.

Transporte Público Urbano

Quen se beneficia? Alumnado desempregado que utiliza a rede de transporte público urbano para asistir á formación.

Contía: 1,5 €/día de asistencia.

Documentación:

- Copia do DNI/NIE da persoa solicitante, só no caso de non autorizar a súa consulta no Sistema de verificación de datos de identidade (SVDI), segundo o formulario do anexo I.
- Acreditación documental do enderezo de intermediación laboral, emitida pola correspondente oficina de emprego, na data que figura na carta de selección ou da autorización da convocatoria pública da acción formativa, ou autorización para consultalo.
- Declaración responsable, incluída no anexo I, que recolla a/s liña/s de transporte público que precisan utilizar para asistir á acción formativa.

Incompatible: coa axuda de transporte en vehículo propio.

Transporte Público Interurbano

Quen se beneficia? Alumnado cuxo enderezo de intermediación laboral estea localizado nun concello distinto a aquel en que teña lugar a acción formativa e deba empregar o transporte público interurbano para asistir á acción formativa.

Contía: 1,5 € por día de asistencia

Documentación: Igual que o transporte público urbano.

Incompatible: co transporte vehículo propio

Transporte Vehículo Propio

Quen se beneficia? Alumnado desempleado cando non exista medio de transporte público entre o seu domicilio (o que figura na tarxeta de demandante de emprego) e o centro de formación ou que este transporte non teña un horario regular compatible co da acción formativa.

Contía: 0,19 €/km cun máximo de 25 € diarios.

Documentación:

- Copia do DNI/NIE da persoa solicitante, só no caso de non autorizar a súa consulta no Sistema de verificación de datos de identidade (SVDI), segundo o formulario do anexo I.

- Acreditación documental do enderezo de intermediación laboral, emitida pola correspondente oficina de emprego, na data que figura na carta de selección ou da autorización da convocatoria pública da acción formativa, ou autorización para consultalo.

- Declaración responsable, que se contén no anexo I, de que non existe medio de transporte público entre o seu domicilio e o do centro ou de que este transporte non ten un horario regular que permita compatibilizalo co da acción formativa, ademais de indicar o número de matrícula do vehículo que utiliza, así como os quilómetros realizados diariamente.

Incompatible con axudas de:

- Aloxamento e manutención.
- Transporte público urbano e interurbano.

Manutención e aloxamento

Quen se beneficia? Alumnado con horario da acción formativa de mañá e de tarde e a distancia entre o seu domicilio (o que figura na tarxeta de demandante de emprego) e o centro acade ou supere os 20 quilómetros.

Contía: manutención 12 € por día de asistencia.
Aloxamento e manutención: Max. 50 €.

Documentación:

- Copia do DNI/NIE da persoa solicitante, só no caso de non autorizar a súa consulta no Sistema de verificación de datos de identidade (SVDI), segundo o formulario do anexo I.

- Acreditación documental do enderezo de intermediación laboral, emitida pola correspondente oficina de emprego, na data que figura na carta de selección ou da autorización da convocatoria pública da acción formativa, ou autorización para consultalo.

- Certificación do centro de formación de que o horario de impartición é de mañá e tarde.

Conciliación

Quen se beneficia? Alumnado en desemprego que teña ao seu coidado fillos/as menores de 12 anos ou familiares dependentes ata o 2º grao sempre cumpran simultaneamente os seguintes requisitos:

- Que a unidade familiar careza de rendas iguais ou superiores ao 75% do IPREM.

- Ter fillo/a/s e/ou persoas acollidas menor/es de doce anos ou, de ser o caso, familiares dependentes ata o segundo grao.

Contía: 75% IPREM diario por día de asistencia.

Documentación:

- Copia do DNI/NIE da persoa solicitante, só no caso de non autorizar a súa consulta no Sistema de verificación de datos de identidade (SVDI) segundo o formulario do anexo I.
- Libro de familia ou calquera documentación que acredite de forma suficiente o grao de parentesco.
- Documentación acreditativa de que a suma das rendas das persoas integrantes da dita unidade familiar ou de convivencia sexa inferior ao 75 % do IPREM.
- Documentación acreditativa do grao de dependencia do familiar ata o segundo grao, de ser o caso.

Mulleres vítimas de violencia de xénero

Quen se beneficia? Mulleres vítimas de violencia de xénero.

Contía: 10 €/día asistencia.

Documentación:

- Copia do DNI/NIE da persoa solicitante, só no caso de non autorizar a súa consulta no Sistema de verificación de datos de identidade (SVDI), segundo o formulario do anexo I.
- A situación de vítima de violencia de xénero acreditarase nas formas previstas no artigo 5 da Lei 11/2007, do 27 de xullo, galega para a prevención e o tratamento integral da violencia de xénero. Inclúense dentro do concepto de violencia de xénero, en aplicación da Lei 14/2021, do 20 de xullo, e a Lei 15/2021, do 3 de decembro, modificadoras ambas da Lei 11/2007, a violencia vicaria e a violencia dixital.

Para estes efectos, a Resolución do 2 de decembro de 2021, da Secretaría de Estado de Igualdade e contra a Violencia de Xénero, pola que se publica o Acordo da Conferencia Sectorial de Igualdade, do 11 de novembro de 2021, relativo á acreditación das situacións de violencia de xénero, inclúe un modelo común para a acreditación administrativa da violencia de xénero e unha relación de organismos, recursos e servizos que acreditan as situacións de violencia de xénero (anexos 1 e 2, respectivamente).

O PAGAMENTO DAS AXUDAS ÁS QUE TEÑAN DEREITO QUEDA EN SUSPENSO DURANTE O PERÍODO VACACIONAL QUE, NO SEU CASO, ESTEA APROBADO POLO ÓRGANO COMPETENTE.

➤ Compútanse como rendas o importe dos salarios sociais, as rendas mínimas de inserción ou as axudas análogas de asistencia social concedidas pola comunidade autónoma, así como o importe das prestacións do Servizo Público de Emprego Estatal. Tamén considéranse rendas os ingresos correspondentes a rendementos patrimoniais, pensións e calquera outro tipo de ingresos percibidos.

➤ Considéranse integrantes da unidade familiar:

- As persoas familiares por consanguinidade ou afinidade ata o segundo grao de parentesco en liña ascendente, descendente ou colateral da persoa solicitante.
- O seu cónxuxe ou a persoa con quen conviva en situación de unión de feito ou análoga, sempre que se trate de parella de feito acreditada.
- As persoas acollidas menores de vinte e seis anos, ou de máis idade pero incapacitadas.

➤ As solicitudes deberán presentarse preferiblemente por vía electrónica a través do formulario normalizado dispoñible na sede electrónica da Xunta de Galicia.

NORMATIVA:

ORDE do 16 de outubro de 2025 pola que se establecen as bases reguladoras e procédese á convocatoria de subvencións para a concesión directa de bolsas e axudas para persoas traballadoras desempregadas que participen en accións formativas do Sistema de formación profesional dos graos A, B ou C, competencia deste departamento, ou de formación no traballo do Catálogo de especialidades formativas do Servizo Público de Emprego Estatal correspondentes aos exercicios 2025 e 2026 (código de procedemento TR301V).

<https://conselleriaemprego.xunta.gal/es/formacion/formacion-emprego/bolsas>

Formación Universitaria

AXUDAS UNIVERSITARIAS PARA PERSOAS CON DISCAPACIDADE

Os estudantes con discapacidade, terán dereito á exención total de taxas e prezos públicos nos estudos conducentes á obtención dun título universitario.

Na UNED: exención do 100% na liquidación de todos os conceptos de matrícula por servizos académicos e outros servizos. Procederá a exención, se se ten recoñecida esta condición durante o período de matrícula e só para esa convocatoria específica. (Exención do prezo de matrícula pero débese abonar obrigatoriamente o prezo de secretaría e seguro escolar).

NORMATIVA:

Ley Orgánica de universidades 4/2007, de 12 de abril pola que se modifica a Lei Orgánica 6/2001, de 21 de decembro, de Universidades.

Orde UNI/900/2023, de 4 de xullo, poa que se fixan os prezos públicos polos servizos académicos universitarios e outros servizos na Universidade Nacional de Educación a Distancia para o curso 2023-2024.